

**PANDUAN MEMILIH PEMIMPIN PRU15
18 NOVEMBER 2022M /23 RABIULAKHIR 1444H**

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ وَنَعُوذُ بِاللَّهِ مِنْ شُرُورِ أَنْفُسِنَا وَمِنْ سَيِّئَاتِ
أَعْمَالِنَا مَنْ يَهْدِهِ اللَّهُ فَلَا مُضِلَّ لَهُ وَمَنْ يَضِلَّ فَلَا هَادِيَ لَهُ
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ أَنَّ سَيِّدَنَا مُحَمَّدًا عَبْدَهُ
وَرَسُولَهُ
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ.
أَمَّا بَعْدُ،
فِيَا عِبَادَ اللَّهِ، اتَّقُوا اللَّهَ، أَوْصِيكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.

Marilah kita bersama-sama meningkatkan ketakwaan kepada Allah Subhanahu wa-Ta'ala dengan melaksanakan segala perintah dan meninggalkan segala larangan-Nya. Mudah mudahan kita diberkati dan dirahmati Allah Subhanahu wa-Ta'ala di dunia dan akhirat.

Sidang Jumaat yang dirahmati Allah Subhanahu wa-Ta'ala

Dalam suasana pilihan raya sekarang, sebagai umat Islam menjadi tanggungjawab bagi kita memilih kalangan pemimpin yang mampu meletakkan Islam di tempat utama dalam sistem pemerintahan negeri dan negara. Seluruh pemimpin umat Islam wajib menjadikan Rasulullah Sallallahu Alaihi Wasallam sebagai model kepimpinan yang melengkapinya sifat siddiq, amanah, tabligh dan fatanah. Setiap pemimpin perlu benar dalam percakapan, amanah dalam melaksanakan tanggungjawab, menyampaikan seruan dakwah amar makruf nahi

mungkar dan bijaksana dalam bertindak mengikut landasan syariat. Kita sebagai umat Islam yang akan keluar mengundi perlu meletakkan panduan syarak dalam memilih pemimpin kita. Firman Allah Subhanahu wa-Ta'ala dalam surah Ali Imran ayat 118:

أَعُوذُ بِاللَّهِ مِنَ الشَّيْطَانِ الرَّجِيمِ

يَأَيُّهَا الَّذِينَ ءَامَنُوا لَا تَتَّخِذُوا بَطَانَةَ مِّنْ دُونِكُمْ لَا يَأْلُونَكُمْ خَبَالًا وَدُّوا
مَا عَنَيْتُمْ قَدْ بَدَتِ الْبَغْضَاءُ مِنْ أَفْوَاهِهِمْ وَمَا تُخْفَىٰ صُدُورُهُمْ أَكْبَرُ قَدْ
بَيَّنَّا لَكُمُ الْآيَاتِ ^ط إِن كُنْتُمْ تَعْقِلُونَ ﴿١١٨﴾

Yang bermaksud: “Wahai orang yang beriman, janganlah kamu mengambil orang yang bukan dalam kalangan kamu (seperti orang yang Yahudi, Nasrani dan munafik) menjadi teman karib (yang dipercayai). Mereka tidak akan berhenti berusaha mendatangkan mudarat kepada kamu dan mereka menyukai apa-apa yang menyusahkan kamu dan telah nyata (tanda) kebencian daripada pertuturan mulut mereka bahkan apa-apa yang tersembunyi dalam hati mereka adalah lebih besar lagi. Sesungguhnya Kami telah menjelaskan kepada kamu ayat-ayat (keterangan-keterangan) itu jika kamu memahaminya (memikirkannya).”

Sidang Jumaat yang dirahmati Allah Subhanahu wa-Ta'ala

Dalam Islam, nilai utama pemimpin ialah sanggup mempertahankan syariat Islam dan membela umat Islam serta bukan berasaskan kepada kehebatan dalam menyampaikan ucapan. Dalam konteks ini, kita memerlukan seorang pemimpin Islam yang bertakwa kepada Allah Subhanahu wa-Ta'ala dan sekiranya tiada calon muslim, kita boleh memilih mereka yang bekerjasama dalam mentadbir negeri dan negara serta menghormati Islam, umat Islam dan memartabatkan sultan sebagai ketua agama. Kesilapan dalam memilih pemimpin akan menyebabkan negeri dan negara ini diperintah dan dikuasai oleh mereka yang membenci Islam, menghina orang Islam dan institusi diraja serta menafikan hak ketuanan Melayu. Rasulullah Sallallahu Alaihi Wasallam memberi amaran keras kepada umatnya supaya jangan tersalah mengundi pemimpin. Sabda Rasulullah Sallallahu Alaihi Wasallam dalam hadis riwayat Imam Bukhari:

Yang bermaksud: *"Apabila amanah disia-siakan, maka tunggulah saat kehancuran. Seorang sahabat bertanya: Apakah yang dimaksudkan dengan mensia-siakan amanah itu, wahai Rasulullah? Rasulullah Sallallahu Alaihi Wasallam menjawab: Apabila sesuatu urusan diserahkan kepada orang yang tidak berkelayakan, maka tunggulah saat kehancurannya."*

Sidang Jumaat yang dirahmati Allah Subhanahu wa-Ta'ala

Mengundi pemimpin dalam pilihan raya ini adalah wajib dalam syarak. Oleh itu, ibu bapa hendaklah memastikan anak-anak kita yang layak mengundi agar keluar mengundi memilih calon yang menyelamatkan Islam dan umat Islam khususnya orang Melayu. Janganlah sekali-kali memberi undi kepada

calon dan parti yang tidak mempertahankan Islam, membenci dan memusuhi Islam serta merendahkan institusi diraja atau yang bersekongkol dengan parti yang memusuhi Islam. Firman Allah Subhanahu wa-Ta'ala dalam surah al-Haj ayat 41:

أَعُوذُ بِاللَّهِ مِنَ الشَّيْطَانِ الرَّجِيمِ

الَّذِينَ إِنْ مَكَّنَّاهُمْ فِي الْأَرْضِ أَقَامُوا الصَّلَاةَ وَآتَوُا الزَّكَاةَ وَأَمَرُوا بِالْمَعْرُوفِ
وَنَهَوْا عَنِ الْمُنْكَرِ ۗ وَاللَّهُ عَلِيمٌ بِالْمُورِ ﴿٤١﴾

Yang bermaksud: “Iaitu mereka (umat Islam) yang jika Kami berikan mereka kekuasaan memerintah di bumi nescaya mereka mendirikan sembahyang serta memberi zakat, dan mereka menyuruh berbuat kebaikan serta melarang dari melakukan kejahatan dan perkara yang mungkar. Dan (ingatlah) bagi Allah jualah kesudahan segala urusan.”

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ، وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ، أَقُولُ قَوْلِي هَذَا
وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ الْمُسْلِمِينَ وَالْمُسْلِمَاتِ، وَالْمُؤْمِنِينَ
وَالْمُؤْمِنَاتِ، فَاسْتَغْفِرُوهُ فَيَا فَوْزَ الْمُسْتَغْفِرِينَ وَيَا نَجَاةَ التَّائِبِينَ.